

Visoki predstavnik Valentin Inzko sastao se sa v. d. glavne tužiteljice Gordanom Tadić



Visoki predstavnik Valentin Inzko danas je posjetio Tužilaštvo Bosne i Hercegovine gdje se sastao s vršiteljicom dužnosti glavnog tužioca Gordanom Tadić i izrazio svoju punu podršku pravosudnim institucijama u njihovim naporima da osiguraju poštivanje vladavine prava.

„U članu 1. Ustava BiH se kaže da je Bosna i Hercegovina demokratska država koja funkcioniše u skladu sa vladavinom prava. Tužilaštvo BiH, uz Sud BiH, predstavlja jedan od osnovnih temelja na kojima se zasniva vladavina prava“, rekao je visoki predstavnik i dodao da, iako je važan svaki sud i svako tužilaštvo, državne pravosudne institucije imaju zadatak da građanima pruže uvjerenje da pravda postoji i da niko nije iznad zakona.

„Sud BiH i Tužilaštvo BiH su ključne državne institucije koje osiguravaju potpuno poštivanje vladavine prava u BiH, a i ključni su element za potpuno provođenje ustavnih nadležnosti države. Poruka koju sam danas htio ovdje poslati je poruka podrške državnim pravosudnim institucijama,“ zaključio je visoki predstavnik Inzko.